

Emirembe Omusanvu Egy'Ekkansia

Essuula Eyookubiri

Okwolesebwa Okw'oku Kizinga Patumo

Kubikkulirwa 1:9-20

Yokaana ku Patumo.

Kubikkulirwa 1:9,

"Nze Yokaana muganda wammwe era assa ekimu mu kubonaabona ne mu bwakabaka ne mu kugumiikiriza ebiri mu Yesu, nnali ku kizinga ekiyitibwa Patumo, olw'Ekigambo kya Katonda era n'olw'okutegeza Kwa Yesu Kristo."

Okwolesebwa kuno okw'omuddirinnganwa okw'Omuntu Yesu Kristo kwaweebwa Yokaana bwe yali ng'awanngangusiddwa ku kizinga Patumo. Akazinga kano akatono keesudde ebbanga lya mmayiro asatu okuva ku lubalama Iwa Asia Minor mu Guyanja oguyitibwa Aegean Sea. Nga bwe kali ak'enjazi, nga kasangibwako n'emisota, embalasaasa n'enjaba, kaalina omugaso mutono mu by'obusuubuzi, kale kaakozesebwa Ettwaale lya Rooma ng'ekifo ky'okubonereza kwe baasibiranga abazzanga emisango egya nnaggomola, abasibe ab'ebiyobufuzi n'abalala.

Ojja kwetegereza nti Yokaana yeeyanjuppe eri Abakulisiaayo ng'owooluganda mu kubonaabona. Mu kiseera kino ekkansia eyasooka yali eyita mu kubonaabona okw'ekitalo. Enzikiriza yaabwe teyali nti "eyogerwako bubi buli wantu kyokka" naye abantu bennyini baasibibwa era ne battibwa. Yokaana, okufaanana ng'abalala abangi ennyo, kaakano yali abonaabonera mu kkomera olw'Ekigambo kya Katonda n'obujulizi bwa Yesu Kristo. Bwe yawambibwa, baagezaako okumutta nga bamufumbira mu mafuta okumala essaawa 24 agaali geesera naye baalemwa. Ba ofiisa abaali baswakidde naye ng'amaanyi tebaalina bamusalira omusango ng'omulogo, asibibwe ku Patumo. Wabula Katonda yali naye, era yamuwonya n'ava ku kizinga n'addayo mu Efeso gye yeeyongera mu maaso ng'omusumba okutuusa ekiseera eky'okufa kwe.

Okwolesebwa Yokaana kwe yafuna kwtwala ebbanga lya myaka ebiri 95-96 A.D. Bye bisingayo okuba ebitutumufu mu kwolesebwa kwonna okuli mu Kigambo. Ekitabo kyonna kyawandiikibwa mu buponero era ekyo kye kikireetera okukolokotebwa n'okuleeta empaka. Wadde biri bwe bityo, kyo kiriko akabonero ka Katonda (envumbo). Ekyo kikifuula okuba ekya nnamaddala era eky'omuwendo ogw'ekitalo eri abo abakisoma oba abawuliriza empapula zaakyo entukuvu.

Mu Mwoyo Ku Lunaku Lwa Mukama

Okubikkulirwa 1:10,

"Nnali mu mwoyo ku lunaku lwa Mukama ne mpulira ennyuma wange eddoboozi eddene, ng'ery'akagombe."

"Nnali mu Mwoyo". Ekyo si kirungi? Owange, ekyo nga nkyagala. Ebigambo ebyo osobola okubiyita, "Obulamu bwonna obw'Ekikulisiaayo." Bwe tuba ba kubeera Bakulisiaayo tulina okubeera mu Mwoyo GWE. Yokaana yali tayogera ku kubeera mu mwoyo ogugwe nga Yokaana. Ekyo tekyandimusobozesessa kufuna kwolesebwa kuno. Yalina kuba Mwoyo wa Katonda. Era naffe, Alina kuba Mwoyo wa Katonda, oba si ekyo mu kufuba kwaffe kwonna tutawaanira bwereere. Pawulo yagamba "Naasabanga mu Mwoyo, Nja kuyimba mu Mwoyo, Nja kubeera mu Mwoyo." Oba wanajja ekirungi kyonna gye ndi kirina kumbikkulirwa Mwoyo, kikakasibwe Ekigambo, kyolesebwe ebibala ebikivaamu. Ddala nga bwe kyetaagisa Yokaana okubeera mu Mwoyo okufuna okwolesebwa kuno okw'ekitalo okuva eri Yesu naffe tuteekwa okubeera mu Mwoyo okusobola okutegeera okubikkulirwa Katonda kw'Atuwadde tubeere abalamu mu Kigambo Kye, kubanga Mwoyo y'omu.

Kitunuulire mu ngeri eno. Bangi nnyo abasoma mu Bayibuli mu Bikolwa. 2:38,

"Mwenenye, mubatizibwe buli muntu mu mmwe okuyingira mu linnya lya Yesu Kristo okuggibwako ebibi byammwe, munaaweebwa ekirabo gwe Mwoyo Omukutuku,"

ne bakiyitako buyisi. Tebakiraba. Singa babeera mu mwoyo, ne basobola okukiraba, banditegedde nti bwe baba baagala okufuna Omwuyo Omukutuku, beetaaga okwenenya babatizibwe mu Linnya lya Mukama Yesu olwo Katonda ky'Aba Ateekwa okukola kwe kutuukiriza Ekigambo kye Abajjuze Omwuyo Omukutuku. Tebabeerako mu Mwoyo kuba singa bakola bwe batyo kyandibatuuseeko ddala ng'Ekigambo bwe kigamba. Saba Katonda okubikkulirwa ng'oyita mu Mwoyo Gwe. Eryo ly'eddaala erisooka. Yingira mu Mwoyo.

Ka nkozese ekifaananyi ekirala. Ka tugambe nti weetaaga okuwonyezebw. Ekigambo kigamba ki? Tukisomye emirundi butabalika, naye tetuyingidde mu Mwoyo nga tukisoma. Twasabye Katonda Atuwe Omwoyo We okutuyigiriza amazima gaakyo? Singa bwe twakoze, twandiyise abakadde, ne twatula ebibi byaffe, ne tufukibwako amafuta, ne tusabirwa era ekyo kyandibadde ekyo. Kiyinza obutajjirawo, naye mu Mwoyo We, byonna biwedde. Tewali kkooti ndala ejulirwamu. Katonda wa kutuukiriza Ekigambo Kye. Oh twetaaga okuyingira mu Mwoyo, olwo ebintu bijja kukolebwa. TOSOOKA KUYITA MU BIKOLWA. SOOKA OBEERE MU MWOYO OLWO OLYOKE OYITE MU BIKOLWA OTUNULE OKULABA KATONDA KY'ANAAKOLA.

Mwali mwetegerezza engeri ab'ensi gye bayingira mu mwoyo gw'ebintu ebiri mu nsi? Bagenda mu mipiira gyabwe, emizannyo n'amazina. Bayingira mu Mwoyo gwakyo. Tebamala gatuula awo nga ebimuli by'okubisenge, obuti obukadde obwakala. Bayingirira ddala muli ne beewulirira muli ne bafuuka ekitundu ku bintu ebyo byennyini. Naye oh, bakyawa Omukulisitaayo bw'ayingira mu Mwoyo gw'Ekigambo kya Katonda. Batuyita bazooke era abagwengeregwengere. Tewali kye batakola kulaga bukyayi bwabwe n'obutakisemba. Naye ebyo tobifaako. Ekyo obeera okisuubira, kuba ova omanyi wa we kiva. Genda bugenzi mu maaso oyngire mu Mwoyo w'okusinza.

Omwovo waffe mulongoofu. Mukakafu. Wannamaddala. Ategeera era mumalirivu, naye ate ng'ajjude essanyu Iya Mukama. Omukulisitaayo asaanidde okuba ng'abugaanye essanyu mu Mukama ng'ensi bwe yeeyisa ng'eri mu masanyu gaayo. Abakulisitaayo n'ab'ensi bona bantu; bona balina okukyamuka. Enjawulo eri nti emitima gy'Abakulisitaayo n'okukyamuka byonna biri mu Mukama ow'Ekitiibwa n'okwagala kwe, ate ng'eby'ensi bimatiza mubiri.

Kati kigamba nti Yokaana yali mu Mwoyo ku Lunaku Iwa Mukama.

Oh, olunyiriri luuluno oluleeta empaka. Si Iwa kuba nti kyetaagisa okuba bwe kityo, ova nti kiteekwa, wabula abamu tebalaba bulabi kiki kyennyini Ekigambo kye kigamba.

Okusookera ddala tusanga bannaffe abamu abayita Olunaku Iwa Mukama okuba Sabbiiti, nga gye bali Iwe Iw'Omukaaga. Ate ne wabaawo abalala abayita olunaku Iwa Mukama, Sande, olunaku olusooka mu wiiki. Naye luyinza luya okuba olumu ku nnaku zino ebbiri ova wadde zombi nga zigattiddwa wamu kubanga Yokaana yali mu Mwoyo ng'afuna okwolesewba kuno okumala emyaka ebiri. Ddala mu butuufu ekyabeerawo kyali nti Yokaana yasitulibwa mu Mwoyo n'atwalibwa mu Lunaku Iwa Mukama olutannabeerawo. Bayibuli eyogera ku Lunaku Iwa Mukama olw'okubeerawo mu maaso era kaakano Yokaana ng'alaba ebintu oby'okubeerawo ku lunaku olwo mu maaso. Wabula ng'ebyo bikyali awo, okutebenkeza emitima gyaffe, ka tuzuule Sabbiiti kiki ddala ky'eri leero.

Sabbiiti nga bwe tugimanyi okusinziira mu Ndagaano Empya si kwe kukuuma olunaku gundi. Tetulina kiragiyo kyonna okukuuma olunaku Olwomukaaga nga Sabbiiti wadde olunaku olusooka mu wiiki olwo ola Sande. Amazima ga Sabbiiti gaagano. Amakulu g'ekigambo ekyo gali "kiwummulo" Abaebbulaniya. 4:8, "Kuba singa Yoswa yabawummuza (oba olunaku Iw'okuwummu), teyandyogedde ku lunaku lulala oluvannyma Iw'ebyo." Muwulidde bwe kigamba mu katundi akasinga obukulu ku nkomerero y'olunyiriri olusembayo. "Katonda Yawummula mu mirimu Gye". Katonda yawa Abayisiraeri olunaku olwomusanvu nga Sabbiiti yaabwe, olw'okujukira omulimu Gwe mwe Yatondera ensi n'ebyo byonna ebigirimu, olwo n'Alekera awo okutonda. Yakoma okukola emirimu gye. Yawummula. Kati kyali kirungi okuwa abantu bona ekiwummulo ekyo Sabbiiti abaali awamu ekiseera kye kimu, balyoke babeeko olunaku Iwe bakooma. Leero ekitundu ekimu eky'ensi kiri mu musana ate ng'ekirala kiri mu kizikiza, kale nga tekisoboka. Naye ezo mpaka buwaka ez'obutonde.

Ka tulabe kiki Bayibuli ky'etuyigiriza ku kiwummulo kya Sabbiiti kino. "Kubanga oyo ayingidde mu kiwummulo kye." Okuyingira kuno, si kuyingira buyingizi kwokka naye n'okusigalamu, mu kiwummulo. Kiwummulo "ekitaggwaawo" ng'ekiwummulo ekyo, olunaku olw'omusanvu kifaananyi bufaananyi. "Omusanvu" kumaliriza. "Omunaana" ate era Iwe lunaku "olusooka". Okuzuukira kwa Yesu kwaliwo ku lunaku olusooka mu sabbiiti, ng'Atuwa obulamu obutaggwaawo n'ekiwummulo kya Sabbiiti etakoma. N'olw'ekyo tulaba Iwaki Katonda teyatua lunaku Iwa nkalakkira mu wiiki nga Sabbiiti (ekiwummulo). "Tuyingidde" era "tusigala" mu kiwummulo kyaffe Isiraeri ky'etaasobola kukola, nga bwe yalina ekisiikirize obusiikirize eky'ekintu ekituufu ffe kye tweyaliramu. Lwaki tuddayo mu kisiikirize ate nga tulina ekintu kyennyini ekyannamaddala kati?

Okufuna ekiwummulo kino, ova Sabbiiti ey'olubeerera, kiva eri okuyita kwa Yesu. Yagamba mu Matayo 11:28, 29,

"Mujje gye Ndi, mmwe mwenna abakooye era abazitoowereddwa, Nange Nnaabawummuza. Mwetikke ekikoligo Kyange, tuyigire ku Nze;

... nammwe muliraba ekiwummulo (oba okufuna ssabbiiti, si olunaku, naye obulamu obutaggwaawo, nga ye ssabbiiti) eky'omu myoyo gyammwe."

Si nsonga ova obadde okoledde bbanga ki wansi w'omugugu gw'ebibi, ova myaka kkumi, asatu,

ataano oba okusingawo jjangu n'obulamu bwo obukooye ojja kufuna ekiwummulo Kye (Sabbiiti entuufu). Yesu Anaakuwummuzu.

Kaakano ddala kiwummulo ki ekkyo Yesu ky'Anaakuwa? Isaaya 28:8-12,

"Kubanga emmeeza zonna zижудde ebisesemye n'empitambi, obutabaawo kifo kirongoofu.

Ani gw'Alyigiriza okumanya? era ani gw'Alitegeeza ebibuulirwa? abo abaleseyeo okuyonka era abavudde ku mabeere?

Kubanga kiba kiragiro ku kiragiro, ekiragiro ku kiragiro; olunyiriri ku lunyiriri, lunyiriri ku Inyiriri; wano katono, awo katono.

Nedda naye alyogera n'abantu bano n'emimwa emigenyi era n'olulimi alulala;

be Yagamba nti Kuno kwe kuwummula, mu muwe okuwummula (Sabbiiti), oyo akooye (oba okukuma kwa Sabbiti Ye) era kuno kwe kuweera naye ne bataganya kuwulira."

Wano kyalagulwa mu Isaaya. Era kyatuukirira oluvannyuma Iw'emyaka 700 ku Pentekote bona bwe bajjuzibwa n'Omwoyo Omutukuvu ddala nga bwe kyagambibwa nti bwe kiriba. Eno ye Sabbiiti entuufu eyasuubizibwa. Kale bwe bajjuzibwa n'Omwoyo Omutukuvu baakoma okukola emirimu gyabwe eg'yensi, ebikolwa byabwe eby'ensi n'engeri zaabwe ez'obwonoonyi. Omwoyo Omutukuvu Yafuga obulamu bwabwe. Baayingira mu kiwummulo. Ekyo ky'ekiwummulo kyo. Eyo ye Sabbiiti yo. Si lunaku oba mwaka wabula okujjuzibwa okutaggwaawo n'okuweebwa omukisa mu Mwoyo Omutukuvu. Ggwe kwe kummula, Ye Katonda n'Akola. Katonda y'Akoza mu mmwe okwagala n'okukola, olw'okusima kwe okulungi.

Ka nyongereyo ekintu ekirala kimu ku abo ab'olwomukaaga abagamba nti tukunngaana ku lunaku olukyamu mu wiiki bwe tukunngaana ku Sande, olunaku olusooka mu wiiki. Kino Justin kye yagamba mu kyasa ekyokubiri. "Ku Sande olukunngaana Iwabangawo eri abo bona abasula mu bibuga ne mu byalo, ekitundu ne kisomebwa okuba mu byafaayo by'obulamu bw'Abatume n'ebyawandiikibwa bwe waabangawo ekiseera. Eksomebwa bwe kyaggwanga, omukulembeze mu kubuulira yakkaatirizanga n'assa essira ku ebyo ebiba bisomeddwa. Kino nga kiwedde ffenna tusituka mu kusabira awamu okwa bulijjo. Ku nkomerero y'okusaba, nga bwe tunnyonnyodde, omugaati n'enviinyo bituteekebwa mu maaso, ne wabaawo okwebaza ekibiina ne kiddamu, "Amiina". Olwo ebitundu (eby'omugaati) ne bigabibwa eri buli muntu ne biriibwako abadinkoni ne babitwala mu nnyumba y'abataliwo. Abagagga n'abaagala okugaba ne bawaayo ebirabo nga bwe baba baagadde era ebirabo bino bikunngaanyizibwa ne bikwasibwa omukulembeze abiweerawo bamulekwa, bannamwandu, abasibe n'abagenyi abali mu bwetaavu." Kale tulaba nti abo abagamba ntii ekkansa eyasooka yalina empisa ey'okukungana mu kalombolombo k'Ekiyudaaya ak'olunaku olusembayo mu wiiki tebamanyidde ddala kiki ebyafaayo kye biraga, era n'olw'ekyo tebasaana kwsigibwa.

Oh, abantu abo bandizze gy'Ali ne bafuna ekiwummulo ekyo. Mu mitima gyonna waliwo okukaabira ekiwummulo ekyo naye abasinga obungi tebamanyi kya kukola. Kale bagezaako okukomya okukaaba okwo nga bakozesa engeri y'eddiini ey'okukuma ennaku oba okukkiriza ebikwate n'ebiyiiye. Naye ebyo bwe birema, bangi bagezaako okunywa, okwekatankira, na buli kya mubiri mu buyitirivu nga balowooza nti mu masanyu ag'ensi muyinza okubaamuuko okumatizibwa. Naye mu bintu ng'ebyo temuli kiwummulo. Banya taaba ne bamira amakerenda okuweweza ku bulamu bwabwe. Wabula temuli kuwummula mu bintu by'ensi. Beetaaga Yesu. Beetaaga eddagala ery'omu ggulu, ekiwummulo ky' Omwoyo.

Kati abasinga obungi ku bo bagenda ku kkanisa Iwa Sande. Ekyo kirungi naye era wadde eyo tebamanyi na ngeri ya kutuukirira Katonda n'okumusinza. Yesu yagamba nti okusinza okutuufu kuli mu Mwoyo ne mu mazima, Yokaana. 4:24. Naye kusinza kwa ngeri ki kw'oynza okufuna mu kanisa emanyi ekitono ennyo ku Katonda n'etuuka n'okutimba Santa Claus ku Ssekukkulu n'obumyu ku Mazuukira? Ekyo baakiggya wa? Baakiggya mu bakaafiiri ne bakifuula enjigiriza y'ekkanisa. Naye omuntu bw'adda eri Mukama n'ajjuzibwa n'Omwoyo Omutukuvu akomya ebintu byonna ebifaanana bwe bityo. Afunira emmeeme ye ekiwummulo. Atandikira ddala okubeera omulamu, n'ayagala Katonda era n'amusinza.

Kati tuddeyo ku Kyawandiikibwa kyaffe. Olunaku Iwa Mukama tumanyi kye latali. Oba nga si Iwa Mukaaga oba Sande, Lunaku ki? Kale ka tukiyite bwe tuti. Weewaawo leero si Iwe Lunaku Iwa Mukama. Luno lunaku Iwa muntu. Kukola kwa muntu, mulimu gwa muntu, kkanisa ya muntu kusinza kwa ndowooza ya muntu, buli kimu kya muntu, kubanga nsi ya muntu (enkola y'ensi). NAYE OLUNAKU LWA MUKAMA LUJJA. Yee, bwe kiri. Kiri nti mu kiseera kino eky'Okubikkulirwa kwa Yesu Kristo Yokaana Mwoyo Yamutwala n'amutambuza n'amutuusa ku Lunaku olw'Ekitalo olwo olujja. Olunaku Iwa Mukama Iwa kubaawo ng'ennaku z'omuntu ziwedde. Obwakabaka bw'ensi eno olwo bulifuuka obwakabaka bwa Katonda waffe. Olunaku Iwa Mukama Iwe Iwo olubeerawo okulamula we kujjira, era oluvannyuma Iw'ekyo obufuzi obw'emyaka olukumi ne bujja. Kati mu kiseera kino ensi ekola kyonna ky'eyagala ku Mukulisitaayo. Bamuyita amannya ag'obuvvoozi aga buli ngeri, nga bamujerega. Naye wagenda kujjawo olunaku olukulu olw'Ekitalo we balikaabira n'okuwoloma, kubanga Omwana gw'Endiga aliba ajja mu busungu n'okulamula

ensi. Awo abatukuvu we balibeerera n'olunaku Iwa Mukama, kubanga ababi balisiriira era abatuukirivu ne batambulira ku vvu lyabwe mu bufuzi obw'emyaka olukumi. Malaki 4:3,

"Era mulirinnyirira ababi; kubanga baliba vvu wansi w'ebigere byammwe, ku lunaku Iwe Ndikolerako, bw'Ayogera Mukama w'eggye."

Eddoboozi Ng'ery'akagombe

Okubikkulirwa. 1:10,

"*Ne mpulira ennyuma wange eddoboozi eddene, ng'ery'akagombe.*"

Yokaana yali mu Mwoyo era bwe yali mu Mwoyo yalaba olunaku olw'ekitalo era olw'ekywuuunyo olwa Mukama Yesu n'amaanyi ge gonna amatukuvu. Eby'omu maaso byali binaatera okuvaayo byeyoleke kubanga Katonda Yali Anaatera okumuyigiriza. Yokaana teyagamba nti kaali kagombe. Kafaanana ng'akagombe. Kati akagombe bwe kafuuyibwa kooleka bwangu. Kiringa omubaka, omubaka wa kabaka ajja eri abantu n'afuuwa akagombe. Kuyitibwa kwa mangu. Abantu bakunngaana okuwuliriza. (Isiraeri lubeerera yakunngaanyizibwanga na ddoboozi lya kagombe.) Ekintu ekikulu kisembedde. "Kiwulirize." Kale n'eddoboozi lino lyalina okukoowoola okwamangu kwe kumu nga okw'akagombe. Kwali kwa mwanguka era nga kwa maanyi, nga kukyamula era nga kuzuukusa. Oh, twwandiwlidde eddoboozi lya Katonda ng'akagombe olunaku luno, kubanga ke "Kagombe k'Ejiri" akalangirira "Ekigambo ky'Obunnabbi" okutulabula, n'okututeekateeka, olw'ebyo ebijja ku nsi.

Ekiragiro Okuwandiika

Okubikkulirwa. 1:11,

"*Ng'Agamba nti Nze ndi Alufa ne Omega, Omubereberye era Ow'enkomerero: era, Wandiika Ky'olaba, wandiika mu kitabo, okiweereze ekkansa omusanvu: eri Efeso, n'eri Sumuna, n'eri Perugamo, n'eri Suwatira, n'eri Saadi, n'eri n'eri Firaderufiya, n'eri Lawodikiya.*"

Ky'ekyo. Ow'Olubereberye era ow'Enkomerero. Alufa ne Omega; ye BYONNA ebyo. Katonda omu omutuufu. Eddoboozi era Ekigambo kya Katonda. Owannamaddala era amazima ali wano. Nga kintu kikulu okubeera mu Mwoyo. Owange, okubeera mu kubeerawo kwa Katonda n'owulira okuva gy'Ali! "By'olaba wandiika mu kitabo obiweereze eri amakanisa omusanvu." Eddoboozi eryafulumya Ekigambo Kye mu lusuku Adeni ne ku Lusozi Sinaayi, ng'eddoboozi eryo lye limu lye lyawulirwa mu kitibwa ekiyitirivu ku Lusozi, olw'Okuwaanyisibwa, nate era Iyali Iyogera, nga ku mulundi guno Iyogera eri amakanisa omusanvu n'okubikkulirwa kwa Yesu Kristo okujjuvu era okw'enkomeredde.

"Yokaana, Wandiika okwolesebwa. Byonna biwandiikire emirembe eginaddawo, kubanga bwe bunnabbi obutuufu OBUTEEKWA okutuukirira. Biwandiike obiweereze, ng'obimanyisa."

Yokaana yategeera eddoboozi eryo. Oh, bw'onoobeera omu ku babe oija kutegeera eddoboozi eryo bw'Anaayita.

Ebikondo By'ettabaaza Ebya Zaabu

Okubikkulirwa 1:12,

"*Ne nkyuka okulaba eddoboozi eryayogera nange. Bwe nnakyuka, ne ndaba ettabaaza musanvu eza zaabu.*"

Yokaana tagamba nti yakyuka kulaba oyo gwe yawulira ng'ayogera, wabula yakyuka okulaba eddoboozi. Oh, ekyo nkyagala. Yakyuka okulaba eddoboozi. Eddoboozi n'omuntu biri omu era kye kimu. Yesu ky'EKIGAMBO. Yokaana 1:1-3,

"*Ku lubereberye waaliwo Kigambo, era Kigambo n'Aba awali Katonda, Kigambo n'Aba Katonda.*

Oyo Yaliwo ku lubereberye awali Katonda.

Ebintu byonna byakolebwa ku bw'Oyo; era awataali Ye tewaakolebwa kintu na kimu ekyakolebwa."

B'olisobola okulaba Ekigambo oliba olaba Yesu.

Yokaana bwe yakyuka yalaba ettabaaza musanvu eza zaabu. Ddala ddala byali bikondo bya ettabaaza. Okusinziira ku lunyiriri olwabiri, z'ekkanisa omusanvu: "Ettabaaza omusanvu z'olabye z'ekkanisa omusanvu." Okubeera akabonero oba ekifaananyi ky'ekkanisa tezandibadde ttabaaza butabaaza. Ettabaaza zaaka okumala akabanga ne zizikira. Ziba ziwedgewo. Naye ebikondo by'ettabaaza biba birina ekintu ekirwawo ekitasangibwa mu ttabaaza.

Oba oyagala okufuna ekifaananyi ekituufu eky'ettabaaza kisomeeko mu Zekkaliya 4:1-6,

"Malayika eyali ayogera nange n'akomawo, n'anzuukusa ng'omuntu bw'azuukusibwa mu tulo twe.

N'anngamba nt,i olabye ki? Ne njogera nti Ntunudde, era, laba, ekikondo eky'ettabaaza ekya zaabu kyonna n'ekibya kyakyo nga kiri waggulu ku kyo n'ettabaaza zaakyo omusanvu, ettabaaza eziri waggulu waakyo, buli ttabaaza ng'eriko emimiro musanvu:

n'emizeyituuni ebiri ku mabbali eruuyi n'eruuyi; ogumu ku mukono ogwa ddyo ogw'ekibya; ogumu ku mukono gwakyo ogwa kkono.

Ne nziramu ne nngamba malayika eyali ayogera nange ne njogera nti ebyo biki mukama wange?

Malayika eyali ayogera nange n'addamu n'anngamba nti Tomanyi ebyo bwe biri? Ne njogera nti Nedda, mukama wange.

N'addamu n'anngamba nti Kino kye kigambo kya Mukama eri Zerubbaberri nga kyogera nti Si lwa maanyi so si lwa buyinza naye lwa 'mwoyo' gwange, bw'Ayogera Mukama w'eggye."

Ettabaaza endala eya zaabu omwerefere yiino wano. Eyakira ddala bulungi kubanga erina amafuta mangi g'efuna okuva mu miti emizeyituuni ebiri egiyimiridde ku njuuyi zombi. Emiti ebiri kabonero ka Ndagaano Empya n'Enkadde, era n'amafuta kyeraga bwerazi nti kabonero oba kifaananyi kya Mwoyo Mutukuvu, Oyo yekka y'Asobola okuva abantu omusana gwa Katonda. Malayika eyayogera eri Zekkaliya naye kye kimu yali agamba "kino ky'olaba kitegeesa nti ekkanisa mu maanyi gaayo oba obuyinza, tesobola kutuukiriza kintu kyonna, awatali Mwoyo Mutukuvu."

Kati weetegereze ettabaaza eno. Ojja kulaba nti erina ekibya kinene, oba ttanka, ng'emimiro omusanvu kwe gisibuka. Ekibya kino kijjudde amafuta ag'omuzeyituuni agayita mu ntambi omusanvu eziri mu mimiro omusanvu. Amafuta ge gamu agaaka era agakola ekitangaala ku nkomerero y'emidumu omusanvu. Ekitangaala kino tekyazikiranga. Bakabona baabeeranga bafukamu amafuta mu kibya.

Ettabaaza yakoleezebwanga mu ngeri ey'enjawulo. Okusooka, kabona omuliro yaguggya ku kyoto ekitukuvu ekyasooka okukoleezebwa omuliro gwa Katonda. Yakoleeza, okusookera ddala, ettabaaza eyali waggulu ku ntikko y'ekibya. N'azzaako eyookubiri ng'ogwo omuliro agujja ku lulimi Iw'ettabaaza esoose okukoleezebwa. Omuliro guno omutukuvu okuva ku kyoto, nga gutambuzibwa okuva ku ttabaaza okugenda ku ttabaaza, kifaananyi kya kyewuunyo eky'Omwoyo Omutukuvu mu Mirembe omusanvu egy'Ekkanisa. Okufukibwa okwasooka ku Pentekote (okufukibwa okwo okwaviira ddala obutereevu ewa Yesu ku Ntebe y'Ekisa) kuyingira mu Kkanisa Ye okumalako emirembe gyonna omusanvu, era nga kulagira ddala nti Yesu Kristo y'Omwoyo, leero n'emirembe gyonna, Katonda Atakyuka mu bigendererwa Bye n'enkola Ze.

Mu Yokaana 15, Yesu yagamba, "Nze Muzabbibu, mmwe muli matabi." Ye, gwe Muzabbibu omukulu, ogwo ogusibuka mu mulandira ogwasooka oguva mu nsigo eyasooka erina obulamu mu yo. Kati omuzabbibu tegubala bibala; amatabi ge gakola ekyo. Kati tunuulira kino: Osobola okuddira omuti omucungwa, n'ogusimbamu enduli y'omuzabbibu, ey'enniimu, eya mangada n'ebika ebirala era enduli ezo zonna zigenda kukula. Naye enduli ezo tezigenda kubala bibala bya micungwa. Nedda ssebo. Enduli y'enniimu egenda kubala nniimu, n'ey'omuzabbibu egenda kubala zzabbibu n'endala bwe zityo. Ate nga enduli ezo obulamu zigenda kuba nga zibuggy mu muti. Naye omuti ogwo singa gufulumya ettabi eddala eryagwo ligenda kuba ttabi lya mucungwa era ligenda kubala micungwa. Lwaki? Kubanga obulamu obuli mu ttabi n'obulamu obuli mu kikolo bwe bumu so nga si bwe gwali n'enduli ezaasimbibwamu. Amatabi ago agaasimbibwamu gaasibuka mu bika bya miti mirala, mirandira mirala, nsigo ndala. Oh, mu butuufu gajja kubala ebibala, naye tegagenda kubala micungwa. Tegasobola kubanga tegaali micungwa okusooka.

Bw'etyo ekkanisa bw'efaanana. Omuzabbibu gwatemebwa enduli endala ne zisimbibwamu. Basimbyemu amatabi ga Baptist, amatabi ga Methodist, amatabi ga Presbyterian, n'amatabi ga Pentekote. Era amatabi ago gabala ebibala bya Baptist, Methodist, Pentekote ne Presbyterian. (Okuva mu nsigo z'amadiini mwe bazaala ebibala byabwe). Naye singa omuzabbibu gufulumya ettabi eddala, ettabi eryo ligenda kufaaniranira ddala omuzabbibu gwennyini. Ligenda kuba lye limu ng'eryo eryavaayo ku Pentekote. Ligenda kwogera mu nnimi, liragule, era libeere n'amaanyi n'obubonero mu lye obwa Yesu Kristo eyazuukira. Lwaki? Kubanga obulamu bwalyo buyimiridde ku mmere y'omuzabbibu yennyini ey'obutonde. Mulabe, teryasimbibwa mu muzabbibu wabula LYAZAALIBWA mu muzabbibu. Amatabi ago amalala bwe gaasimbibwamu kye gaasobola okukola kyokka, gaali galina kubala bibala byago kubanga tegaazalibwa muzabbibu ogwo. Tegamanyi bulamu na bibala ebyasooka. Tegasobola kumanya kubanga tegaazaalibwa muzabbibu. Naye singa gaazaalibwa muzabbibu obulamu bwe bumu obwali mu nduli eyasooka (Yesu) bwandivuddemu ne bwelyolekera mu go. Yokaana 14:12,

"Ddala ddala Mbagamba nti Akkiriza Nze emirimu gye Nkola Nze, naye aligikola; era alikola egisinga egyo obunene; kubanga Nze Nngenda eri Kitange."

Ebibiina by'amadiini ebikulemberwa abantu tebiyinza kuzaalibwa Katonda; kubanga Omwoyo, SO SI MUNTU, y'Awa obulamu.

Nga kikyamula okulowooza ku ttabaaza ezo omusanvu ezifuna obulamu n'omusana nga bisibuka mu kibya ekyo ekikulu kubanga entambi zaazo zannyikibwa muli. Buli mubaka w'omulembe gw'ekkanisa alabikira wano. Obulamu bwe bwaka n'omuliro ogw'Omwoyo Omutukuvu. Olutambi lwe (obulamu) bunnyikiddwa mu Kristo. Afuna obulamu bwa Kristo bwennyini okuyita mu lutambi olwo, era ng'abukozesa okuwa ekkanisa omusana. Kitangaala kya ngeri ki ky'awa? Ekitangaala kye kimu kyennyini ekyo ekyali mu ttabaaza eyasooka okukoleezebwa. Era okuyitira ddala mu mirembe okutuuka mu kiseera kino eky'omubaka w'olunaku olusembayo obulamu bwe bumu n'ekitangaala kye kimu byolesebwa obulamu obwakwekebwa ne Kristo mu Katonda.

Tetwogera bwogezi ku babaka bokka, wabula buli mukkiriza alabibwa wano. Bonna bafuna okuva ku nsibuko y'emu. Bonna bannyikibwa mu kibya kye kimu. Ku bwabwe baba bafu era obulamu bwabwe bukwekeddwa awamu ne Kristo mu Katonda. Omwoyo Omutukuvu yatabasibira muli. ABAEFESO 4:30,

"So temunakuwazanga Omwoyo Omutukuvu owa Katonda, Eyabatesaako akabonero okutuusa olunaku olw'okununulibwa."

Tewali muntu asobola kubaggya mu mukono Gwe. Obulamu bwabwe tebusobola kwepankirwako. Obulamu obulabika bwaka era bumasa massa, nga buwa omusana n'okweyleka kw'Omwoyo Omutukuvu. Obulamu obw'omu nda obutalabika bukwekeddwa mu Katonda era bulisibwa Ekigambo kya Mukama. Setaani tasobola kubakwatako. Wadde okufa tekusobola kubakwatako, kubanga okufa kusudde okulum kwakwo; amagombe gasudde okuwangula kwago. Katonda Yeebazibwe, balina obuwanguzi buno mu Mukama Yesu Kristo era nga mwe buyitira. Amiina era Amiina.

Takyali Kabona

Okubikkulirwa 1:13,

"Ne wakati w'ettabaaza ne ndaba Afaanana ng'Omwanan w'Omuntu, ng'Ayambade okutuuka ku bigere, era ng'Asibiddwa mu kifuba n'olukoba olwa zaabu."

Wuuyo Ayimiridde, Omuntu Afaanana ng'Omwanan w'Omuntu. Ng'ejjinja ery'omuwendo bwe lirunjiyizibwa nga liteekebwako empeta; bw'Atyo bw'Abeera ow'ekitiibwa wakati mu makanisa. Lunaku Iwa Mukama; kubanga Yokaana amulaba ng'Ayimiridde, si nga kabona, wabula nga Omulamuzi Ajja. Olukoba olwa zaabu terukyasibiddwa mu kiwato kabona w'ateekwa okulwambala bw'aba ng'awereza Katonda mu Kifo Ekisinga Obutukuvu, naye kati lwetoolodde ebibegabega Bye, kubanga kati si Ye Kabona wabula MULAMUZI. Kati Yokaana 5:22 kituukiridde,

"Kubanga Kitange tasalira muntu yenna musango, naye yawa Omwanan, okusala omusango gwonna."

Omulinu gwe gukoleddwa. Obwakabona buweddeko. Ennaku z'obunnabi ziweddeko. Ayimiridde nga yeesibye olukoba ng'OMULAMUZI.

Ekitiibwa Kye Ng'omuntu Eky'emirundi Omusanvu

Kubikkulirwa 1:14-16,

"N'omutwe Gwe n'enviiri Ze nga zitukula ng'ebiyoya by'endiga ebitukula, ng'omuzira; n'amaaso Ge ng'ennimi z'omuliro; n'ebigere Bye nga bifaanana ng'ekikomo ekizigule, ng'ekirongoosebbwa mu kikoomi; n'eddoboozi Lye nga lirngai eddoboozi ly'amazzi amangi.

Era ng'Akutte mu mukono Gwe ogwa ddyo emmunyeenye musanvu; ne mu kamwa Ke ne muvaamu ekitala ekisala eky'obwogi obubiri; n'obwenyi Bwe nga buli ng'enjuba bw'eyaka mu maanyi gaayo."

Okulabika kwa Yesu eri Yokaana nga kukyamula era nga kulunngamya, bwe yali mu buwannganguse olw'Ekigambo, era laba, EKIGAMBO Ekiramku kati kiyimiridde mu maaso ge. Kuno okwolesewwa nga kumulisa, kuba buli kimunnyonyolako kirina amakulu. Nga kubikkulirwa kukulu okw'ekitiibwa ky'Enkula Ye.

1. Enviiri Ze Njeru ng'Omuzira

Yokaana yasooka n'alaba era n'ayogera ku bweru bw'enviiri Ze. Zaali njeru, era nga zitangalija ng'omuzira. Kino tekyali Iwa myaka Gye. Oh, nedda. Enviiri enjeru ezitangalija si kabonero ka myaka wabula bumanyirivu, obukulu n'amagezi. Oyo Ataggwaawo takaddiwa. Ekiseera kye ki eri Katonda? Ekiseera kirina amakulu matono eri Katonda, naye amagezi galina amakulu mangi. Kiringa Sulemaani bwe yasaba Katonda okufuna amagezi okulamula abantu ba Isiraeri. Kati Ajja, Omulamuzi w'ensi yonna. Agenda kutikkirwa engule ey'amagezi. Ago ge makulu g'enviiri enjeru ezitangalija. Kino kirabe mu Danyeri 7:9-14,

"Ne ndaba okutuusa entebe lwe zaateekebwawo, n'omukadde Eyaakamala ennaku ennyingi n'Atuula; ebyambalo Bye byali bitukula ng'omuzira, n'enviiri ez'oku mutwe Gwe ng'ebiyoya by'endiga ebirungi;

entebe Ye yali nnimi za muliro, ne bannamuziga baayo muliro ogwaka.

Omugga gw'omuliro ne gutiirika ne gufuluma mu maaso Ge: enkumi n'enkumi baamuweereza, n'obukumi emirundi akakumi baayimirira mu maaso Ge: omusango ne gubaawo, ebitabo ne byanjuluzibwa.

Ne ntunula mu biro ebyo olw'eddoboозi ery'ebigambo ebikulu ejjembe bye lyayogera: ne ntunula okutuusa ensolo lwe yattibwa, n'omubiri gwayo ne guzikirizibwa n'eweewwayo okwokebwa omuliro.

N'ensolo endala okufuga kwazo ne kuziggibwako; naye obulamu bwazo ne bwongerwako ebbanga n'ekiseera.

Ne ndaba mu ebyo bye nnayolesebwa ekiro, era, laba ne wajja Omu eyafaanana ng'Omwana w'Omuntu n'ebire eby'omu ggulu, n'ajjira ddala eri Omukadde Eyaakamala ennaku ennyingi, ne bamusembeza mu maaso ge.

N'aweebwa okufuga, n'ekitiibwa, n'obwakabaka, abantu bona, amawanga n'ennimi, bamuweerezenga; okufuga Kwe kwe kufuga okw'emirembe gyonna okutaliggwaawo, n'obwakabaka Bwe bwe butalizikirizibwa."

Ky'ekyo. Danyeri yamulaba n'enviiri ezo enjeru. Ye yali ng'Abikkula ebitabo era ng'Alamula okuva mu byo. Danyeri yamulaba ng'Ajja mu bire. Ky'ekyo kyennyini Yokaana kye yalaba. Bombi baamulaba mu ngeri y'emu. Baalaba Omulamuzi n'olukoba Lwe olw'obulamuzi ku bibegabega Bye, ng'Ayimiridde mutukuvu Ataliiko kamogo, Ajjude amagezi, Alina ebisaanyizo byonna okulamula ensi mu butuukirivu. Aleruuya.

Ensi nayo etegeera eby'akabonero kano, kubanga mu biseera eby'edda omulamuzi yajjanga n'akulembera kkooti ng'ayambadde wiigi enjeru n'omunagiro omuwanvu ogwalaganga obujjuvu bw'obuyinza bwe (ng'omunagiro guva ku mutwe okutuuka ku bigere) okugabanya obwenkanya.

2. Amaaso Ge ng'Omuliro

Kirowoozeeko. Amaaso ago lumu agaali gaddiridde okulaba olw'amaziga ag'ennaku n'okusaasira. Amaaso ago agaakaaba n'okusaasira ku ntaana ya Lazaalo. Amaaso ago agataalaba bubi bw'abatemu abaamukomerera, abaamuwanika ku musaalaba naye mu nnaku ne gakaaba, "Kitange basonyiwe." Kati amaaso ago nnimi za muliro, amaaso g'Omulamuzi Alyesasuza abo abaamugaana.

Mu kukwatibwako kwonna okw'obuntu kwe Yayoleka okwasingayo kwe kuno bwe Yalabika ng'Omwana w'Omuntu, Yakaabanga. Ate nga emabega w'okukaaba okwo n'ennaku eyo waali wakyaliyo Katonda.

Amaaso ago ge gamu gaalaba okwolesebwa. Gaatunulanga munda mu buziba bw'emitima gy'abantu ne gasoma ebirowoozo byabwe era ne gamanya amakubo gaabwe gonna ag'enjawulo. Ekyayakaayakananga okuva mu maaso ago ag'omubiri Yali Katonda, Eyakaabanga eri abo abataamanya lwaki Yaliwo. ". . . Bwe mutakkiriza nti Nze Nzuuyo, mulifiira mu bibi byammwe," Yokaana 8:24.

"Bwe Ssikola mirimu gya Kitange, temunzikiriza. Naye bwe Ngikola (emirimu gya Kitange), newankubadde nga temunzikiriza Nze, mukkirize emirimu ,"

Yokaana 10:37-38. Nga Yeremiya ow'edda, Ye Yali nnabbi akaaba, kubanga abantu tebaafuna Kigambo kya Katonda ne basammula eri okubikkulirwa.

Amaaso g'Omulamuzi ago ag'ennimi z'omuliro ne kaakati gawandiika obulamu bw'emibiri gyonna. Ng'Adduka okuva eno n'eri okumalako ensi yonna, tewali ky'Atamanyi. Amanyi emitima gye byagala era ne buli omu ky'agenderera okukola. Tewali kikwekedwa kitalibikkulwa, kubanga ebintu byonna byeruliddwa mu maaso g'Oyo gwe tuleetera ebigambo byaffe. Kirowoozeeko, na kati Amanyi ky'olowooza.

Yee, Wuuyo Ayimiridde ng'Omulamuzi n'amaaso agaakaayakana okusala omusango. Olunaku lw'okusaasira luweddeko. Oh, singa abantu beenenya ne banoonya amaaso Ge mu butuukirivu ng'ekiseera kikyaliyo. Balyoke basobole okufuula ekifuba Kye akatto kaabwe ng'ensi tennannyikira mu muliro.

3. Ebigere eby'Elikomo

"N'ebigere Bye nga bifaanana ng'ekikomo ekizigule ekirongoosebbwa mu muliro." Elikomo kimanyiddwa olw'obugumu bwakyo obuyitirivu. Tewali kintu kimanyiddwa ky'oyinza kukiteeka nakyo kukigonza. Naye ekikomo kino ekinnonyola ebigere Bye kyo kisingako Iwa nsonga nti kigumidde okugezesebwa okw'omuliro, okugezesebwa okutayitibwangamu muntu mulala yenna. Era ekyo kituufu ddala. Kubanga ekikomo kabonero ka Kulamula Okutukuvu: okulamula Katonda kwe yalangirira era n'Akutuukiriza. Yokaana 3:14-19,

"Nga Musa bwe yawanika omusota mu ddungu, bwe kityo n'Omwana w'Omuntu kimugwanira okuwanikibwa: buli muntu yenna amukkiriza aleme okubula,

naye abeere n'obulamu obutaggwaawo. Kubanga Katonda bwe Yayagala ensi,

bw'Ati n'okuwaayo n'Awaayo Omwana We eyazaalibwa omu Yekka, buli muntu yenna amukkiriza aleme okubula, naye abeere n'obulamu obutaggwaawo. Kubanga Katonda Teyatuma Mwana We mu nsi, okusalira ensi omusango; naye ensi erokokere ku Ye.

Amukkiriza tegulimusinga: atamukkiriza gumaze okumusinga, kubanga takkiriza Linnya Iya Mwana Eyazaalibwa omu Yekka owa Katonda. Guno gwe musango nti kubanga omusana, guzze mu nsi, abantu ne baagala ekizikiza okukira omusana; kubanga ebikolwa byabwe byali bibi."

Okubala 21: 8, 9,

"Mukama n'Agamba Musa, Weekolere omusota ogw'omuliro, oguteeke ku mulongooti: awo olunaatuuka, buli alumiddwa bw'anaagulaba, anaaba mulamu.

Musa n'akola omusota ogw'ekikomo, n'aguteeka ku mulongooti; awo olwatuuka omusota bwe gwali gulomye omuntu yenna, bwe yatunuulira omusota, ogw'ekikomo n'aba mulamu."

Isiraeri yali eyonoonye. Ekibi kyalina okusalirwa omusango. Kale Katonda n'Alagira Musa okuteeka omusota ogw'ekikomo ku mulongooti, era buli eyagutunuulira yawona okuva mu kibonerezo ky'ekibi kye.

Omusota ogw'ekikomo ku mulongooti kaali kabonero ka kibi okuva mu Lusuku Adeni, omusota gye gwasenderasendera Kaawa, ne gumuleetera okwonoona. Ekikomo kyogera ku kulamula, nga bwe kirabibwa mu kyoto eky'ekikomo ekibonerezo ky'ekibi we kyasangibwa mu ssaddaaka ku kyoto. Katonda bwe Yasalira Isiraeri omusango olw'ebibi bye mu nnaku za Eliya, Yayimiriza enkuba eggulu eryali lyakaayakana ne lifuuka ng'ekikomo. Kati mu kifaananyi kino tulaba nti omusota ku mulongooti guliwo nga gulaga ekibi ekyaggwa okusalibwa omusango, kubanga gwakolebwa mu kikomo, ekiraga nti okulamulwa Okutukuvu kwali kumaze okugwa ku kibi. Olwo buli muntu eyatunuulira omusota ku mulongooti, ng'akkiriza amakulu gaagwo yawonyezebwa, kubanga guno gwe gwali omulimu oba obulokozi bwa Mukama.

Omusota ku mulongooti kifaananyi ky'ekyo Yesu kye yajja mu nsi okutuukiriza. Yayambala omubiri okusobola okwetikka okulamula kwa Katonda eri ekibi. Omusingi gw'ekyoto kya ssaddaaka gwali kikomo ekigumu ekifaananyi ky'Omwana gw'Endiga eyasalibwa ng'emisingi gw'ensi tegunnabaawo. Omusango gwali gwamala dda okumusalirwa nga tewannabaawo boonoonyi. Obulokozi bwonna nga bwe buli obwa Mukama, Yalinnyirira essogolero ly'obusungu bwa Katonda. Ebyambalo Bye byonna nga bitwakadde n'omusaayi gwe Ye. Omuliro ogw'obwenkanya n'okulamula n'obusungu bwa Katonda byali mugabo Gwe. Yabonaabona, omwenkanya ku lw'abatali benkanya.

"Osaanidde, Ayi Omwana gw'Endiga wa Katonda, kubanga Otununudde n'omusaayi Gwo."

Yafumitimbwa olw'okusobya kwaffe, Yabetentebwa olw'obutali butuukirivu bwaffe; okubonerezewa okw'emirembe gyaffe kwali ku Ye; era emiggo Gye gye gyatuwonya. Mukama Atadde ku Ye obutali butuukirivu bwaffe ffenna. Yabonaabona okusinga omuntu yenna bwe yali abonyeebonye. Yali tannatuuka na ku musaalaba Yali Akulukuse entuuyo enzito ng'omusaayi okuva mu mubiri Gwe nga kye kyoleka ekyambika ekyali kijja mu maaso nga gwe musaayi ogwo ogwayawulibwa mu misuwa Gye. Lukka 22:44,

"N'Afuba ng'Alumwa ne yeeyongera okusaba ennyo: entuuyo Ze ne ziba ng'amatondo g'omusaayi, nga gatonna wansi."

Naye luliba lumu ebigere eby'ekikomo ekizigule bijja kuyimirira ku nsi. Era Aliba omulamuzi w'ensi yonna, era mu bwenkanya ne mu butuukirivu Aliramula omuntu. Era tewaliba kwewala, kulamulwa obwo. Tewaliba kukyusa bwenkanya obwo. Tewaliba kubugonzaamu. Oyo atali mwenkanya wa kusigala nga si mwenkanya; oyo omugwagwa ajja kusigala ng'akyali mugwagwa. Oyo Atakyuka ku olwo Talikyuka, kubanga Takikolangako era Talikikola. Ebigere eby'ekikomo bigenda kubetenta omulabe. Bigenda kuzikiriza omulabe wa Kristo, ensolo n'ekifaananyi n'ebyo byonna eby'ensonyi mu maaso Ge. Alizikiriza enkola z'ekkanisa ezikozesezza Erinnya Lye ne zoonoona okumasamasa kwalyo Azibetentere wamu n'omulabe wa Kristo. Ababi bona, abatakkiriza nti Katonda gy'Ali, abakkiririza mu ebyo byokka ebirabika, abo abagendera ku mitindo, ba nnampawengwa bona balibeera eyo. Okufa, ggeyeena n'amagombe biribeera eyo. Ddala bwe biriba. Kubanga bw'Alijja, ebitabo biribikkulwa. Ku olwo n'ekkanisa ey'ekibugumirize n'embeerera abataano abasiru balirabika. Alyawula endiga okuva ku mbuzi. Lw'Alijja Alitwala obwakabaka, kubanga, Bubwe, era emitwalo n'emitwalo balibeera naye, Omugole We, ajja okumuweereza. Ekitiibwa! Oh, kirina kuba kati oba si ekyo nedda. Weenenye ng'obudde tebunnaba kuyita. Zuukuka okuva mu bafu onoonye Katonda okujuzibwa n'Omwoyo We oba si ekyo ogenda kusubwa obulamu obutaggwaawo. Kikole kati ng'ekiseera kikyaliwo.

4. Eddoboozi Lye Lyali Liringa ery'Amazzi Amangi

Kati amazzi galiwo ku lwaki? Kiwulire mu Kubikkulirwa 17:15,

"... amazzi ge walabye ... be bantu, n'ebibiina, n'amawanga, n'ennimi."

Eddoboozi Lye lyafaanana ng'eddoboozi erya nnamungi w'abantu aboogera. Kiki ekyo? Kwe kulamula. Kubanga gano ge maloboozi ga nnamungi w'abajulizi, Omwoyo Omutukuvu be Yayisa mu mirembe nga bajulira eri Kristo ne babuulira Enjiri Ye. Liriba ddoboozi lya buli muntu ng'ayimuka mu kusalira omusango omwonoonyi ataawuliriza kulabula. Amaloboozi g'ababaka omusanvu gagenda kuwulikika waggulu era nga gategeerekeka. Ababuulizi abo abeesigwa abaabuulira amaanyi ga Yesu agalokola, abaabuulira okubatiza okw'omu mazzi mu Linnya lya Yesu, abaabuulira okujuzibwa n'amaanyi ag'Omwoyo Omutukuvu, abaayimirira n'Ekigambo okusinga n'obulamu bwabwe bo; bona lye liali eddoboozi lya Yesu Kristo nga liyita mu Mwoyo Omutukuvu mu mirembe. Yokaana 17:20,

"So sisabira bano bokka, naye n'abo abanzikiriza olw'ekigambo kyabwe."

Wali olowoozezzaako ku buzibu obubaawo ng'omuntu akuluggusibwa okugwa mu kiyiriro nga tasobola kweyamba? Lowooza kati ku kuyira okwo w'asembererera okufa kwe kwennyini. Era mu ngeri y'emu ddala bwe lutyo n'olunaku lw'okulamula bwe lujja okuyira kwa nnamungi w'amaloboozi lwe galikusalira omusango olw'obutassaayo mwoyo ng'obudde tebunnaba kuyita. Teekayo omwoyo essaawa eno yennyini. Kubanga mu kaseera kano ebirowoozo byo biwandiikibwa mu ggulu. Eyo ebirowoozo byo biwulikika okukira ebigambo byo. Ng'Omufalisaayo eyeeyitiriza ennyo n'akamwa ke, naye nga tawuliriza Mukama, omutima gwe gwayonooneka okutuusa ekiseera lwe kyayita, ne kaakati kuno kuyinza okuba okuyitibwa kwo okusembayo okuwulira Ekigambo okifune eri obulamu obutaggwaawo. Obudde buliba buyise bw'olisemberera okuyira kw'amaloboozi amangi ag'omusango n'akufa.

Wabula wali otegedde eddoboozi ly'amazzi nga bwe lisobola okuba eggwoomu era esseenekerevu? Njagala okuvuba, era njagala okusanga akafo k'amazzi awali amayengo ag'ekimpoowooze. Nsobola okugalamira ne ngawulira nga googera eddembe, essanyu n'obumativu eri omutima gwange. Nga ndi musanyufu okubeera mu kiwummulo eky'eddemebe eddoboozi lya Mukama we lyogerera emirembe, ng'Ekigambo ky'amazzi g'okwawula bwe gakirangiridde. Nga tuteekwa okwebaza olw'okuwulira eddoboozi Lye ery'obwagazi, okulabirira, obukulembeze n'obukuumi. Era lumu tuliwulira eddoboozi lye limu eryo eggwoomu, si mu kulamulwa, wabula mu kutwaniriza ffe abaasoniyibwa ebibi olw'omusaayi Gwe, ab'obulamu obwajuzibwa n'Omwoyo era, abaatambulira mu Kigambo. Kiki ekiyinza okuba ekirungi okusinga okuwulira nnamungi w'amaloboozi agaaniriza n'okwetooloolwa nnamungi w'abo abakkiriza eri obulamu obutaggwaawo? Oh, ekyo tewali kikyenka. Nsaba nti mujja kuwulira eddoboozi Lye, muleme okukakanya emitima gyammwe, wabula mumusembeze okubeera Kabaka wammwe.

Oh, singa mukirabako bulabi. Amazzi ge gaazikiriza ensi, naye ate gaali mazzi ge gamu agaanunula Nuuwa era ne galokola ensi yonna ku Iwa Nuuwa. Wuliriza eddoboozi Lye, eddoboozi ly'omuweereza We, nga liyita abantu okujja eri okwenenya n'obulamu.

5. Mu Mukono Gwe Ogwa ddyo Mwalimu Emmunyeenyre Musanvu

"Ne mu mukono Gwe Yalina emmunyeenyre musanvu." Kati kwo okuba tukimanyi nti okuva mu lunyiriri olwabiri kiki ddala emmunyeenyre omusanvu kye ziri. "Era ekyama ky'emmunyeenyre omusaravu be bamalayika (ababaka) b'amakanisa omusanvu." Kati wano tetuyinza kukola nsobi yonna, kubanga Akituvuunulira. Emmunyeenyre zino omusanvu be babaka eri emirembe gy'amakanisa omusanvu egiddirinngana. Tebayitibwa na linnya. Bavaayo buvi nga bali musanvu, omu omu eri buli mulembe. Okuva ku Mulembe gwa Efeso okutuuka ku Mulembe guno ogwa Lawodikiya buli mubaka yaleeta obubaka obw'amazima eri abantu n'atalemwa kukuuma Kigambo kya Katonda eri omulembe gw'ekkanisa eyo. Buli omu yabwekwatako. Tebaasagaasagana mu buwulize bwabwe eri omusana ogwasooka. Nga buli mulembe bwe gwayawukana ku Katonda, omubaka we omwesigwa yazzaayo omulembe ogwo eri Ekigambo. Amaanyi gaabwe gaava wa Mukama singa tekyali ekyo tebandisobodde kuyimiriza tuyaga. Baali batebenkedde nga balabirirwa, kuba tewali kintu kyali kisobola kubaggya mu mukono Gwe, era tewaa li kisobola kubaawula kuva ku kwagala kwa Katonda, ka bube bulwadde, nnaku, kuyita bwereere, njala, kitala, bulamu oba kufa. Mu mazima baali beewaddeyo gy'Ali era ne bakooma obuyinza bwe bwonna. Baali tebafaayo ku kuyigganyizibwa kwe baasanga. Obulumi n'okusekererwa byabatuukako Katonda Aweebwe ekitiibwa nti baabalibwa okuba nti basaanidde okubonaabona ku lulwe. Era mu kwebaza olw'obulokozi Bwe baayaka n'omusana gw'obulamu Bwe era ne balaga okwagala Kwe, obugumiikiriza, obuwombeefu, okukooma obusungu, obukkakkamu n'obwesigwa. Era Katonda n'Abawagira n'ebiyewuunyo, obubonero n'ebiyamagero. Baayitibwa bazooke era abagwengeregwengere. Ebibiina by'amadiini bya baboola era ne basekererwa naye baali ba mazima eri Ekigambo.

Kati si kizibu omuntu okuyimirira n'aba mwesigwa eri ekikwate. Kyangu, kuba setaani ali mabega w'ebyo byonna. Wabula okubeera omwesigwa eri Ekigambo kya Katonda n'okuddayo ku byasooka okuva mu Kigambo oluvannyuma Iwa Pentekote ekyo kintu kirala.

Gye buvuddeko omusajja omu yanngamba nti Ekereziya ya Rooma Enkatolika yalina okuba ekkanisa ey'amazima ng'emabega bwe yali ey'amazima eri ekyo kye yali ekkiriza emyaka gyonna, era n'egenda mu maaso ng'ekula era nga tekyuka. Ekyo si bwe kiri n'akatono. Ekkanisa yonna ewagirwa gavumenti

ng'erina ekikwate kyayo ekitali Kigambo kya Katonda n'akatono, nga terina buweereza bweyleka okusoomooza setaani, yali esobola okugenda mu maaso. Eyo si ye yali minzaani. Naye bw'olowooza ku kabiina ako ak'abantu abaasalibwa n'emisumeneo ne baweebwa empologoma, ne bayigganyizibwa, ne bayiggibwa okuva muno okudda muli naye ate ne basigala nga ba mazima eri Ekigambo — kati ekyo mu buli ngeri Yalina kuba Katonda. Engeri gye baasimattuka olutalo Iwabwe olw'okukkiriza ne bagenda mu maaso: EKYO ky'ekyamagero.

Kati okugumya kuno si kw'ababaka b'emirembe gy'ekkanisa omusanvu bokka. Buli mukkiriza omutuuufu ali mu mukono gwa Katonda era asobola okutoola okuva mu kwagala Kwe n'amaanyi Ge, era n'afuna emigaso gyonna egy'ekyo Katonda ky'Ali eri omukkiriza. Katonda ky'Awa omubaka, engeri gy'Amuwa omukisa era gy'Amukozesa, kya kulabirako eri abakkiriza bona ab'obulungi bwe n'okulabirirwa eri BONNA abali mu mubiri Gwe. Amiina.

6. Ekitala eky'Obwogi Obubiri

"Ne mu kamwa Ke ne muvaamu ekitala ekisala eky'obwogi obubiri." Mu Abaebbulanya 4:12, "Kubanga Ekigambo kya Katonda kiramu, era kikozi, era kisala okusinga buli kitala kyonna eky'obwogi obubiri, era kiyitamu n'okwawula ne kyawula obulamu n'omwoyo, ennyingo n'obusomyo, era kyangu okwawula okulowooza n'okufumiitiriza okw'omu mutima."

Okuva mu kamwa Ke mwavaamu ekitala eky'obwogi obubiri ng'ekyo ky'EKIGAMBO KYA KATONDA. Kubikkulirwa 19:11-16

"Ne ndaba eggulu nga libikkuse; era, laba embalaasi enjeru, n'Eyali Agituddeko, Ayitibwa Mwesigwa era Ow'amazima; ne mu butuukirivu Asala emisango era Alwana.

Era amaaso Ge gwe muliro ogwaka, ne ku mutwe Gwe engule nnyingi.; era ng'Alina erinnya eriwandiikiddwa, omuntu yenna ly'atamanyi wabula Ye Yekka.

Era ng'Ayambadde ekyambalo ekyamansirwako omusaayi: n'Erinnya Lye ne liyitibwa Kigambo kya Katonda. N'eggye ery'omu ggulu ne limugoberera ku mbalaasi enjeru, nga babbadde bafuta enjeru ennungi. Ne mu kamwa Ke muvaamu ekitala eky'obwogi Ateme amawanga nakyo:

era Alibafuga n'omuggo ogw'ekyuma: era Alinnya essogolero ly'omwenge gw'obusungu bw'obukambwe bwa Katonda Omuyinza w'ebintu Byonna.

Era Alina ku kyambalo Kye ne ku kisambi Kye erinnya eriwandiikiddwa nti KABAKA WA BAKABAKA, ERA MUKAMA W'ABAAMI."

Yokaana 1:48,

"Nassanayiri n'amugamba nti wantegeera wa? Yesu n'Addamu n'Amugamba nti Firipo bw'abadde tannakuyita, bw'obadde mu mutiini, ne Nkulaba."

Ky'ekyo. Bw'Alijja, Ekigambo ekyo kirylekera amawanga gonna n'abantu bona. Era tewali n'omu alisobola kuyimirira mu maaso gakyo akirwanyise. Kiribikkula buli ekyali mu mutima nga bwe Yakola Nassanayiri. Ekigambo kya Katonda kiriraga ani eyakola Katonda by'Ayagala era ani ataakola. Kiriraga emirimu gy'ekyama egya buli muntu era Iwaki yagikola. Kirbyawulamu wakati. Ekyo kye kigamba mu Baruumi 2:3,

"Ggwe omuntu, ananya abakola bwe batyo naawe n'okola ebyo, olowooza ng'olirokoka mu kunenya kwa Katonda?"

Kigenda mu maaso ne kiraga engeri Katonda gy'Agenda okulamulamu abantu. Kiikino wano mu nnyiriri 5 okutuuka ku 17. Omutima omukakanyavu ogutasasaasira gugenda kusalirwa omusango. Emirimu gigenda kulamulwa. Ebigendererwa bigenda kulamulwa. Mu maaso ga Katonda tewaliba kusosola, wabula bona baliramulwa Ekigambo ekyo, tewali alikidduka. Abo abaawulira ne batafaayo ekyo kye baawulira kye kiribasaliza omusango. Abo abaakiwummuliramu nga bagamba nt baakikkiriza, naye obulamu bwabwe ne butakitambuliramu bagenda kusalirwa omusango. Buli kyama kigenda kuggyibwayo mu Iwatu kyogerebwe waggulu ku mayumba. Oh, ddala ddala olwo tulitegeera ebyafaayo. Tewaliba kyama kisigalayo okuva mu mirembe gyonna.

Naye mukimanyi nti Abikkula ebyama by'omu mitima gy'abakazi n'abasajja mu mulembe guno gwe tulimu? Ani omulala asobola okubikkula ebyama by'omu mutima okuggyako Kigambo, Mwene? Abaebbulaniya 4:12,

"Kubanga Ekigambo kya Katonda kiramu, era kikozi, era kisala okusinga buli kitala kyonna eky'obwogi obubiri, era kiyitamu n'okwawula ne kyawula obulamu n'omwoyo, ennyingo n'obusomyo era kyangu okwawula okulowooza n'okufumiitiriza okw'omu mutima."

Ky'Ekigambo. Kikolera eyo gye kyatumibwa, kijjudde (Ekigambo) amaanyi. Mwoyo gwe gumu ogwali mu Yesu (Ekigambo) gwe guliwo mu kkanisa mu mulembe guno ogusembayo ng'akabonero akasembayo nga kaggya abantu mu kusalirwa omusango, kubanga abo abamugaana (Kigambo) bamaze okusalirwa omusango, nga baddamu okumukomerera. Abaebbulaniya 6:6,

"Ne bagwa okubivaamu, tekiyinzika bo okubazza obuggyaa olw'okwenenya; nga beekomererera bokka omulundi ogwokubiri Omwana wa Katonda, ne bamukwasa ensonyi mu Iwatu."

Kati Pawulo yagamba nti Ekigambo n'eddoboozi byajjira mu maanyi Ekigambo ekyabuulirwa ddala kyeyoleka kyokka. Okufaanankako ng'ekitala ekyakaayakana ekisala, kyagenda mu mitima gy'abantu, era ng'akambe k'omusawo alongoosa, kyasalamu endwadde ne kisumulula abasibe. Buli wonna abakkiriza bano abaasooka we baagenda, "baagendanga nga babuulira Enjiri (Ekigambo) Katonda n'Akakasa Ekigambo ekyo mu bubonero nga bugoberera." Abalwadde baawonyezebwa, emizimu gyagobebwa, ne boogera mu nnimi empya. Ekyo kye kyali Ekigambo mu bikolwa. Ekigambo ekyo tekiremererwangako mu kamwa k'Abakulistaayo abakkiriza. Era mu mulembe guno ogusembayo kiri wano nga kya maanyi era kya kitalo okusinga bwe kyali kibadde mu mugole omutuufu ow'Ekigambo. Oh, ekisibo ekitono, mwe abasingayo obutono, mwekwate ku Kigambo, mukijjuze emimwa gyammwe n'emitima gyammwe, luliba lumu Katonda Alibawa obwakabaka.

7. Amaaso Agafaanana ng'Enjuba

"N'obwenyi bwe nga buli ng'enjuba bwe yaka mu maanyi gaayo." Matayo 17:1-13,

"Ennaku omukaaga bwe zaayitawo Yesu n'Atwala Peetero ne Yakobo ne Yokaana muganda we, n'Abalinnyisa ku lusozi oluwanvu bokka:

n'Afuusibwa mu maaso gaabwe: amaaso Ge ne gamasamasa ng'enjuba, ebyambalo Bye ne bitukula ng'omusana. Laba, Musa ne babalabikira nga boogera naye.

Peetero n'addamu n'agamba Yesu nti Mukama wange, kirungi ffe okubeera wano: bw'oyagala, nnaazimba wano ensiisira ssatu: emu yiyo, n'endala ya Musa, n'endala ya Eriya.

Bwe yali ng'akyayogera, laba, ekire ekimasamasa ne kibasiikiriza:

laba, eddoboozi ne liva mu kire, nga ligamba nti Ono ye Mwana Wange gwe Njagala, gwe Nsanyukira ennyo; mumuwulire.

Abayigirizwa bwe baaliwulira, ne bagwa nga beevuunise, ne batya nnyo. Yesu n'Ajja n'Abakomako ng'Agamba nti tuyimuke, temutya. Ne bayimusa amaaso gaabwe, ne batalaba muntu, wabula Yesu Yekka.

Bwe baali nga bakka ku lusozi Yesu n'Agamba nti Temubuulirako muntu bye mwolesebbwa okutuusa, Omwana w'Omuntu lw'alimala okuzuukira mu bafu. Abayigiriza be ne bamubuuza, ne bagamba nti Kale kiki ekigambya abawandiisi nti Eriya kimugwanidde okusooka okujja? N'Addamu n'Agamba nti Eriya ajja ddala, alirongoosa byonna: naye Mbagamba nti Eriya amaze okujja, nabo tebaamumanya, naye baamukola bwe baayaagala.

Bw'Atyo n'Omwana w'omuntu alibonyaabonyezebwa bo.

Awo abayigirizwa ne bategeera nti Yayogera nabo ku Yokaana Omubatiza."

Kati mu Matayo 16:28, ekyanjula Matayo 17:1-13, Yesu Yali Agambye,

"... Waliwo ku bano abayimiridde wano, abatalirega ku kufa n'akatono, okutuusa lwe baliraba Omwana w'Omuntu ng'Ajja mu bwakabaka bwe."

Era abatume abasatu ekyo kye baalaba — engeri y'okujja Kwe okw'omulundi ogwokubiri. Baamulaba ng'Awaanyisiddwa eyo ku ntikko y'olusozi. Ebyambalo Bye byali byeru nga bimasamasa n'obwenyi Bwe nga bwakaayakana ng'enjuba bw'eyaka mu maanyi gaayo. Awo n'Alabika, Musa n'amuyimirira ku ludda olumu ate Eriya n'ayimirira ku olwokubiri. Eyo y'engeri yennyini gy'Akomawo. Kituufu ddala Eriya alisooka kuggyayo emitima gy'abaana (omugole) agizzeeyo eri Enjigiriza y'Ekigambo ky'abajajaabwe Abatume. Malaki 4:5,6,

"Laba, Ndibatumira Eriya nnabbi olunaku olukulu olw'entiisa olwa Mukama nga terunnatuuka.

Era alikyusa omutima gwa bakitaabwe eri abaana, n'omutima gw'abaana eri bakitaabwe, nneme okujja ne Nkuba ensi n'ekikolimo."

Isiraeri lyafuuka dda eggwanga. Kati lyaddawo dda n'eggye lyalyo, empingu, empuliziganya, bendera, n'ebyo byonna ebigendera ku ggwanga. Naye wakyaliyo Ekyawandiikibwa ekirina okutuukirira ekigamba

"...eggwanga liriva mu lubuto omulundi gumu? ..." Isaaya 66:8. Olunaku olwo lunaatera okujja. Omutiini gutojjedde. Abayisiraeri balindiridde Masiya. Bamusuubira era essuubi lyabwe linaatera okutuukirira. Isiraeri liija kuzaalibwa nate omulundi ogwokubiri mu Mwoyo, kubanga omusana gwalyo n'obulamu bwalyo binaatera okulibikkulirwa.

Mu Kubikkulirwa. 21:23,

"So ekibuga tekyetaaga njuba, newankubadde omwezi, okukyakira: kubanga ekitiibwa kya Katonda kyakimulisa, n'ettabaaza yaakylo ye Mwana gw'endiga."

Kino ye Yerusaalemi Ewigga. Omwana gw'Endiga Aliba mu kibuga ekyo, era olw'okubeerawo Kwe, tewalibaawo musana gwetaagisa: Eyo enjuba terivaayo era teriyaka kubanga Ye Mwene, y'Enjuba n'Omusana gwayo. Amawanga agajja mu kibuga ekyo galitambulira mu musana Gwe. Temuli basanyufu nti olunaku olwo lututuuseko? Yokaana yalaba olunaku olwo nga lujja. Weewaawo, Mukama Yesu, jjangu mang!

Malaki 4:1-3,

"Kubanga, laba, olunaku lujja, lwokya ng'ekikoomi; n'abamalala bona n'abo bona abakola obubi baliba bisasiro: awo olunaku olujja lulibookera ddala, bw'Ayogera Mukama w'eggye, obutabalekerawo kikolo newankubadde ettabi."

Naye mmwe abatya erinnya lyange enjuba ey'obutuukirivu eribaviirayo ng'erina okuwonya mu biwaawaatiro byayo, kale mulifuluma ne muligita ng'ennyana ez'omu kisibo.

Era mulirinnyirira ababi, kubanga baliba vvu wansi w'ebigere byammwe, ku lunuka lwe ndikolerako, bw'Ayogera Mukama w'eggye."

Ky'ekyo nate ENJUBA ng'eyaka mu maanyi gaayo gonna. Oh, amaanyi g'Omwana wa Katonda gaaka wakati mu bikondo by'ettabaaza omusanvu. Ayimiridde awo, Omulamuzi, Oyo eyatubonaabonera n'Atufiirira. Yeetikka obusungu bw'omusango gwa Katonda. Yalinnyirira Yekka essogolero ly'obukambwe bw'obusungu bwa Katonda. Nga bwe twagambye edda, eri omwonoonyi eddoboobi Lye liringa ery'ekiyiriro oba ejjovu ebiyiika mu mayengo g'okufa ku lubalama olw'enjazi. Naye eri omutukuvu, eddoboobi liringa ery'akagga akayimba oluylimba oluwoomerevu, ng'owummudde, omatidde mu Kristo. Ng'Atwakako n'okumasamasa Kwe okw'okwagala Agamba, "Temutya Nze Nzuuyo Eyabaawo, Abaawo era Ajja Okubaawo; Nze Ayinza Byonna. Tewali mulala Nze wendi. Nze Alufa ne Omega, BYONNA awamu." Ly'Eddanga ery'omu Kiwonvu, Emmunyeenyeyaka Enkya y'Asingayo mu mutwaalo eri emmeeme yange. Weewaawo, olunaku olwo olw'ekitalo lunaatera okukya n'Enjuba ey'Obutuukirivu erivaayo n'okuwonya mu biwaawaatiro byayo.

Kristo Omuwanguzi

Okubikkulirwa. 1:17, 18,

"Bwe nnamulaba ne ngwa ku bigere bye ng'afudde. N'Anteekako omukono Gwe ogwa ddyo, ng'Ayogera nti Totya;

Nze ow'olubereberye era ow'enkomerero, era Omulamu; Nnali Nfudde, era, laba, Ndi mulamu emirembe n'emirembe, Amiina; era Nnina ebisumuluzo eby'okufa n'ebi'Emagombe."

Tewali muntu asobola kugumira maanyi gonna mu kwolesewba okwo. Ng'amaanyi ge gonna gamuweddemu, Yokaana yagwa ku bigere Bye ng'alinga afudde. Naye omukono gwa Mukama mu kwagala gwamukwatako, n'eddoboobi ly'omukisa ne ligamba, "Totya. Totya. Nze ow'oubereberye era ow'Enkomerero, era Omulamu; era Nnali Nfudde, era laba Ndi mulamu emirembe gyonna." Waliwo ki ekitiisa? Okusalirwa omusango okwamutuukako ku musaalaba, ku ntaana ne mu kukka emagombe byaliwo ku Iwaffe. Yaguma ne yeetikka obubalagaze bwonna obw'ekiwundu ky'ekibi n'olw'ekyo kati tewakyaliwo musango eri abo abali mu Kristo Yesu. Ddala ddala laba "Omuwolerez" waffe ye "Mulamuzi" waffe. Ye byombi "Omuwolerez" era "Omulamuzi". Ng'Omulamuzi "omusango guteredde" — guwedde. Tewakyaliwo musango kaakano. Lwaki ekkanisa etya? Kisubizo ki kye Yalemwa okutwooleka mu maaso gaffe? Lwaki etya ekibonerezo oba okufa? Byonna biwanguddwa. Omuwanguzi ow'amaanyi wuuno wano. Wuuno wano Eyawangula ensi zombi erabika n'etalabika. Si nga Alexander, eyawangula ensi nga wa myaka 33 n'atamanya walala wa kulaga okwetyongera okuwangula, kale yafa nga musibe wa kibi eyalina obulamu obw'effujo. Si nga Napoleon, eyawangula Bulaaya yonna naye ku nkomerero ne bamuwangulira e Waterloo ne bamufumbiikiririza e Elba, gye baamuwangulira. Naye tewali kyasobola kuwangula Kristo. Oyo Eyakka kaakati Alinnye waggulu wa bona, era Aweereddwa Erinnya eriri waggulu w'amannya gonna. Yee, yawangula okufa, ggeyeena, n'amagombe, n'ebisumuluzo byabyo. By'Asumulula bisumuluddwa, by'Asiba bisibiddwa. Tewaliwo kubikyusa. Tewaliwo yamusooka kuwangula era tewaliwo mulala ng'oggyleeko Ye. Ye yekka Omulokozi, Omununuzi. Ye Katonda YEKKA: era "Mukama Yesu Kristo" lye Linnya Lye.

"Totya, Yokaana. Totya, ekisibo ekitono. Ekyo kyonna kye Ndi muli basika baakyo. Amaanyi Gange gonna gammwe. Obusobozi Bwange bwonna bwammwe nga bwe Nnyimiridde mu makkati gammwe. Sizze kuleeta kutya na kuleemwa wabula okwagala okugumya n'obusobozi. Amaanyi gonna gampeereddwa era gammwe okukoza. Mwogere Kigambo Nange Nja kukituukiriza. Eyo y'endagaano yange era teyinza kulemererwa."

Emmunyeenye Omusanvu N'ettabaaza

Okubikkulirwa 1:20,

"Ekyama ky'emmunyeenye omusanvu z'olabye mu mukono Gwange ogwa ddyo n'ettabaaza omusanvu eza zaabu. Emmunyeenye omusanvu be bamalayika (ababaka) b'ekkanisa omusanvu: n'ettabaaza omusanvu ze kkanisa omusanvu."

Twamaze dda okuzuula amazima g'ebiyama bino ebibiri. Oh, tetunnabikkula babaka bano omusanvu kye baali, naye nga tuyambibwako Katonda tujja kukikola era ekyama kimalirizibwe. Emirembe omusanvu tugimanyi. Giwandiikkidwa mu Kigambo, era tujja kugyetegereza buli gumu tusobole okutuuka mu guno ogusembayo gwe tulimu.

Naye nga tutunula omulundi gumu ogusembayo nga tumaliriza essuula eno, mulabe nga bw'Ayimiridde awo wakati w'ebikondo by'ettabaaza eza zaabu n'emmunyeenye musanvu nga ziri mu mukono Gwe ogwa ddyo. Oh, kiwuniikiriza okumulaba ng'Ayimiridde awo mu bwa Katonda bwe obw'oku Ntikko. Ye mulamuizi, Kabona, Kabaka, Empungu, Omwana, Omwoyo Omutukuvu, Oyo BYONNA MU BYONNA. Y'Oyo, Atandika era Amaliriza. Asaanidde Omwana gw'Endiga! Yeeyolekera ddala nti Asaanidde nga Ye Mwene bwe Yagula obulokozi bwaffe. Kaakano Ayimiridde mu buyinza Bwe bwonna n'ekitiibwa Kye kyonna n'ebintu byonna nga bimuweereddwa ng'Omulamuizi.

Naye nga tutunula omulundi gumu ogusembayo nga tumaliriza essuula eno, mulabe nga bw'Ayimiridde awo wakati w'ebikondo by'ettabaaza eza zaabu n'emmunyeenye musanvu nga ziri mu mukono Gwe ogwa ddyo. Oh, kiwuniikiriza okumulaba ng'Ayimiridde awo mu bwa Katonda bwe obw'oku Ntikko. Ye mulamuizi, Kabona, Kabaka, Empungu, Omwana, Omwoyo Omutukuvu, Oyo BYONNA MU BYONNA. Y'Oyo, Atandika era Amaliriza. Asaanidde Omwana gw'Endiga! Yeeyolekera ddala nti Asaanidde nga Ye Mwene bwe Yagula obulokozi bwaffe. Kaakano Ayimiridde mu buyinza Bwe bwonna n'ekitiibwa Kye kyonna n'ebintu byonna nga bimuweereddwa ng'Omulamuizi.

Oh, singa tumulabako nga Yokaana bwe yamulaba. Tusaanidde kuba bantu ba ngeri ki, nga tuyimiridde mu maaso Ge ku lunaku olwo!

Bw'oba tonnaba kuwaayo bulamu bwo gy'Ali, mu kaseera kano kyusa omutima gwo eri Katonda, ofukamire wansi awo wooli, omusabe akusonyiwe ebibi byo, era oweeyo obulamu bwo gy'Ali. Olwo tujja kugezaako tukwatire wamu Emirembe Omusanvu Egy'ekkanisa; era ekyo nga tukikola nsaba nti Katonda Ayambe omuweereza We ono atasaanidde akubikkulire Ekigambo Kye.



Sermons By
William Marrion Branham
"... in the days of the voice ..." Rev. 10:7